

# SABIDURIA PA UN BIDA HUSTU





““P’esei siña nos konta  
nos dianan, pa nos  
por haña(alkansa) un  
kurason di sabiduria.”

(Salmo 90:12)



Nos tin e tendensia pa pensa ku siendo sabi ta impliká teniendo konosementu enorme den un sierito tereno di siensia, filosofia, ètc.



Nos ta yama e persona kende tin e konosementu aki “sabí”, pero sabiduria ta bai mas aya di ese. E ta envolví(inkluí) aplikando korektamente tur e konosementu atkerí (sea un tiki òf hopi).

Kiko ta e konsepto bílico di sabiduria?

Kon pa siña e sabiduria ei?

Kon nos lo por aplicá esaki den nos bida diario?

Ki benefisionan nos ta haña for di aktua di akuerdo ku sabiduria bílico?



► E sabiduria di e mandamentunan (**Salmo 119**).

► E origen di sabiduria (**Salmo 90**).

► Sabiduria den pruebanan (**Salmo 95, 81 i 105**).

► Sabiduria práktiko:

► E kaminda na maldat (**Salmo 141**).

► E bendishonnan di hasi bon (**Salmo 1, 112 i 128**).

# E SABIDURIA DI E MANDAMENTUNAN

“Bo palabra mi a skonde den mi kurason, pa mi no peka kontra Bo” (Salmo 119:11)




E Palabra ta iluminá e kaminda korekto (Salmo 119:105); ta limpia(purifika) esaki (Salmo 119:9); guia nos pasonan (Salmo 119:133); i ta prevení nos for di e peligernan di e kaminda malu (Salmo 119:101).

Bibando di akuerdo ku e Palabra nesesariamente ta impliká pa warda e mandamentunan divino (Salmo 119:4). Nos no tin e kapasidat pa hasi asina, pero nos ta wòrdú sigurá ku, dor di medita riba nan ku e yudansa di Dios, nos lo ta kapas pa atkerí(haña) mas i mas sabiduria pa warda nan i wòrdú protehá dor di nan (Salmo 119:5-6).

Wardando e mandamentunan no ta djies un aktitut eksterno, e ta impliká un disposishon di e mente i kurason (Salmo 119:7, 148).

E tema prinsipal di Salmo 119 ta Dios Su mandamentunan manera a wòrdú ekspresá den Su Palabra.

Manera den hopi otro lugánan den e Beibel, den e salmo aki bida ta wòrdú kompará ku un kaminda ku kada persona ta biahá. E kaminda aki por guiábo na bida etérno, òf kondenashon etérno. Kon pa skohe e kaminda korekto?



# E ORIGEN DI SABIDURIA

“ Asina siña nos pa konta nos dianan, pa nos por gana un kurason di sabiduria.” (Salmo 90:12)

Nos ta biba pa un periodo kòrtiku di tempu ku, kompará ku e Kreador Su etèrnidat, ta manera un rosea(suspiro (Salmo 90:2, 4, 9).

Den e tempu kòrtiko aki, nos ta biba de piká, bou di e rabia di Dios (Salmo 90:8-11). Pero Dios a ekstendé Su grasia na nos, i satisfasé nos ku Su miserikòrdia Salmo 90:13-14).




Ora ku nos permití nos mes di wòrdu siñá pa medio di Dios, nos ta siña pa “ konta nos dianan.” Di e manera aki, nos ta atkerí berdadero sabiduria, i ta wòrdu transformá den e imagen di nos Kreador, Kende nos ta siña pa teme i reverensiá (Salmo 90:12, 16; 111:10).

Sabiduria atkerí ta guia nos promé pa repentí i despues pa hasi e trabounan ku Dios kier pa nos hasi (Salmo 90:3, 17).

# SABIDURIA DEN EPRUEBANAN

“ Bo a yama den angustia(problema), i Mi a librábo(reskatábo); Mi a kontestábo den e lugá sekreto di strena; Mi a ponebo na prueba na e awanan di Meriba. Sela.” (Salmo 81:7)

## ENFRENTE PRUEBA SIN SABIDURIA



Na Meriba, Israel a pone Dios na prueba: “ pasombra nan a pone Señor na prueba, bisando, Señor ta meimei di nos, sí òf nò?” (Eks. 17:7). Sinembargo, for di Dios Su puntu di bista, tabata E Kende a pone Israel na prueba (Salmo 81:7).

Israel no a psa e prueba, pero kaprichosamente a keda den esaki su rebellion, pa kual e mester a wòrdú kastigá (Salmo 95:8-11). Apesar di tur kos, Dios a duna nan e awa ku nan a pidi pe (Eks. 17:5-6).

Pero, si nan tabata sabí, nan lo a pasa e prueba. E ora ei, Dios lo por a hasi gran maraviyanan ku nan (Salmo 81:13-16).

## ENFRENTE PRUEBA KU SABIDURIA



Jose a wòrdú enkarselá den heru, maltratá i afluxí. Pero el a tuma un desishon sabí: pa sirbi Dios no importá e sirkumstansianan (Salmo 105:16-18; Gen. 39:7-9).

Ora ku el a pasa e prueba, Dios a eksalt'é (Salmo 105:19-21). Su sabiduria tabata asina evidente ku Farao a enkarg'é pa siña Su ansianonan e sabiduria ku kual Dios a dot'é (Salmo 105:22). Dor di Jose, Dios a duna bida na e famia kompleto di Israel (Salmo 105:23).

# SABIDURIA PRÁCTICO

# E KAMINDA NA MALDAT

“No inkliná mi kurason na ningun kos malu, pa praktiká obranan di maldat huntu ku hende ku ta hasi inikidat: Y no lagami kome di nan delikatesanan” (Salmo 141:4)

Salmo 141 ta un orashon pa pidi Dios pa libra nos for di tentashonnan interno i eksterno (Salmo 141:1-3, 9-10). Den nos mes forsa, nos no por vense tentashon, pasombra nos kurason mes ta desea piká. Nos mester hasi orashon kontinuamente pa ta kapas pa resistí tentashon.

Salmo 141:4 i 1:1 ta mustra nos e proseso di tentashon:

## 1) E kurason ta lèn na maldat

“No laga mi kurason wòrdú inkliná na un kos malu.”


“Bendishoná ta e hende kende no ta kana den e konseho di e malbadonan.”

## 2) E persona ta kometé(hasi) piká

“pa hasi obranan sin Dios ku esnan ku ta hasi inikidat”  
“ni tabata para den e kaminda di pekadornan”

## 3) E ta deleitá(alegrá) den maldat


“I no lagami kome di bo delikatesanan delisioso”  
“E no a ni sintu riba e stul di bofonadonan.”



E salmonan ta deskribi e karakter progresivo, seduktivo i astuto di tentashon. Solamente dependensia total riba Señor por garantisá viktoria (Salmo 41:8-10). Sinembargo, e viktoria final riba piká ainda ta den futuro (Salmo 1:5-6).

# E BENDISHONNAN DI HASI BON

“ Mira, asina e hòmber lo wòrdú bendishoná ” (Salmo 128:4)



E funkshon prinsipal di sabiduria ta pa komportá nos mes na un manera korekto, di akuerdo ku e boluntat di Dios. Ki bendishonnan nos lo risibí dor di aktua asin'aki?

**Nos lo wòrdú  
bendishoná (Salmo  
1:1; 112:1; 128:1)**

**Nos obranan lo  
prosperá (Salmo  
1:3; 128:2)**

**Nos desendientenan  
lo ta poderoso  
(Salmo 112:2; 128:3)**

**Nos lo risibí  
kosnan bon i  
rikesa  
(Salmo 112:3)**

**Nos lo kana den e  
lus di Dios  
(Salmo 112:4)**

**Nos lo goberná  
nos asuntunan  
bon  
(Salmo 112:5)**

**Nos lo no slep, i nos  
lo wòrdú rekòrdá  
(Salmo 112:6)**

**Nos lo no tin  
miedu di mal  
notisia (Salmo  
112:7)**

**Nos lo derotá nos  
enemiguná (Salmo  
112:8)**

**Nos lo wòrdú  
eksalsá den  
gloria (Salmo  
112:9)**

E konflikto aktual entre e bon i e malu tin bia ta prevení nos di gosa di tur e bendishonnan aki, òf di ser solamente kapas pa gosa di nan parsialmente. Sinembargo, e tempu lo bini ora ku nos lo por ta totalmente bendishoná, den e Reino di Dios.



©STEVE CREITZ - PROPHECYART.COM

**“ Ora ku mi pensa di e trabou ku Dios ta  
hasiendo pa hende kaí, mi ta pèrdí den  
atmirashon ku Dios lo tuma sernan pober i kaí  
i trese na nan poder moral, ku lo tin einan e  
obramentunan interno di Su grasia,  
transformando e karakter i hasi hende  
ekipá(adekuá) pa e manshonnán ku Dios ta  
preparando pa nan — sernan ku ta adekuá pa e  
presensia di Dios, adekuá pa ta kompañeronan  
ku angelnan, i pa tene komunion ku Dios. O,  
kon mi kurason ta anhelá pa ta unu kende lo  
kana ku Hesus Kristu den e tera hasí nobo!”**